

18 AUGUST
RUGACIUNEA 3
SF.CUVIOS
IOAN DE LA RILA

МОЛИТВА

Земная звезда чудесная, блиставшая пределы града Средца, предивный постниче и угодниче Божий, отче Иоанне, преподобных радование, Церкви Болгарския украшение, крепкий адаманте веры Православныя и живой свещниче, всю землю Болгарскую светом правды Божия осиявый! Ты еси скорый помощник с верою и любовью к тебе притекающим и великий предстатель пред Господом о всех нас. Приими, преблаженне, наша моления и умоли Христа Бога нашего, да вси тобою наставляемии людие словенстии пребывают союзом братския любви связуеми, в мире и благочестии, и да избавит их Господь и вся грады и страны христианския от враг видимых и невидимых и от нашествия иноплеменник, от недуга и глада, и всякия скорби, наипаче же от искушений врага темнаго. Предстоящим же zde и молящимся

пред пречистым твоим образом испроси, преподобне, у Господа Бога нашего вся, иже ко спасению своему они просят, да вси с тобою прославляем Всесвятое имя Отца и Сына и Святаго Духа, ныне и присно и во веки веков. Аминь.